

qui signa in conspectu urbis, quasi arce quadam mun-
nitissima, præfixisset. Non paludes, non stagna, non
Athesis aut Padi fluenta, illius victoriam morari ampli-
us; aut iniquissimas Padi condiciones, aut frænum
accipiendum prædicare. Hæc illi. Venetus interim
omnia moliri, quæ ad victoriam attinere arbitrabatur:
flumina, & eorum ripas insidere; præsidia non uno
loco disponere: & brevi, non aliter Ferrariensibus im-
minebat, quam victores victis, quum subito debella-
tum volunt, imminere consueverunt.